



UNIVERSITÄTS-
BIBLIOTHEK
PADERBORN

Universitätsbibliothek Paderborn

**B. Haymonis, Episcopi Ante DCCC. Circiter Annos
Halberstadensis, Historiae Ecclesiasticae, Sive De Rervm
Christianarvm Memoria, Libri X**

Haimo <Halberstadensis>

Helmestadi[i], 1671

Liber III.

urn:nbn:de:hbz:466:1-10968

D. HAYMONIS
HISTORIÆ ECCLESIASTICÆ

LIBER III.

CAPVT I.

Divisio Apostolorum per provincias.

Tertius hic liber à divisione Apostolorum sumit exordium. Cum ergo Iudæi debit is cladibus urgerentur, Apostoli Domini cum cæteris discipulis ad prædicandum per provincias diriguntur;

CAP. II.

Quibus locis differsi sint.

Origenes in explanatione Genesis, Thomas sortitur Parthos, Mattheus Æthiopiam, Bartholomæus Indiam citeriorem, Ioannes Asiam, Andreas Scythiam, Petrus Pontum, Galatiam Bithyniam, Cappadociam. Paulus ab Hierosolymis usque ad Illyricum, Evangelio Christi cunctos replevit; alii vero vel per hæc, vel per alia loca, secundum quod spiritus sanctus voluit, dimittuntur, sicut propria eorum gesta habent. De quibus fortasse ideo tacuit Origenes, quia vita & actus eorum minus autentici sunt, vel ab hæreticis & impostoribus conscripti. Petrus itaque prædicationis suæ monumenta reliquit duas epistolas: similiter & Iacobus frater Domini duas: Ioannes item duas: Iudas vero qui & Tatthæus, unam: Paulus xiv. scripsit. De illa tamen, quæ est ad Hebræos, quandoque apud Latinos dubitatum est.

Clemens

Clemens Alexandrinus in libro Informationum.

C A P. III.

De Epistola Pauli ad Hebræos.

Licet manifesta sunt Pauli Apostoli scripta, nonnulli tamen de epistola ad Hebræos dubitant. Sed sciendum, quod à Paulo scripta est in Hebræo sermone, tanquam Hebræis: à Luca vero ejus discipulo interpretata in Græcum. Unde & stylus ejus magis videatur similis libello illi, quem idem Lucas de Actibus Apostolorum scripsit. Quod autem subscriptionem solam non habet ibi, hoc rationis est, quod præceptum erat Hebræis, ne de Pauli nomine dicta susciperent; & idcirco prudenter nomen suum omisit, ne statim in principio, Pauli nomine inspecto, lectio ejus repudiaretur.

C A P. IV.

De sancto Luca.

Lucas, ejusdem Pauli discipulus, Antiochenus genere, arte medicus, duos nobis libros conscribit, *Actus Apostolorum*, quos ipse oculis inspexit, & *Evangelium*, quod, ut dicitur, ex ipsius Pauli ore descriptsit. Quod etiam Paulus suum nominat, cum dicit; *secundum Evangelium meum.* Sed jam ad historiæ ordinem revertamur.

C A P. V.

Mors Neronis, Galbae & Othonis, Imperatorum.

Igitur post XIII. imperii sui annos Nero moritur, *Galba & Otho*

& Otho usurpant principatum, quibus post annum & tres menses defunctis, *Vespasianus*, tunc apud Iudeam in exercitu existens, revocatur, & donatur imperio; commendata Tito filio suo causa belli, & impugnatione Hierosolymæ; sub quo præfata civitas capitur & subvertitur.

C A P. VI.

Subversio Hierusalem à Tito & Vespasiano.

Ecclesia vero fidelium, quæ ibidem fuerat congregata, divino accepto responso, prævenit subversionem, & ad opidum, *Pellam* nomine, trans Iordanem emigrat. Tunc incredibilis fit cædes Iudeorum; & primo quidem diræ & inauditæ famis exitio plaga intolerabilis divinitus mittitur, in tantum, ut bella & cædes inter parentes & liberos committerentur, dum non solum è manibus, sed ex ipsis faucibus invicem rapere cibum decertant. Ad ultimum quidem ne loris vel cingulis, aut etiam ipsis calceamentis, abstinent. Portarum quoque indumenta detrahentes conficienda dentibus ingerunt, nonnulli & fœni veteris edunt festucas. Porro geritur ibi facinus execrabile, neque adhuc apud Græcos, neque apud Barbaros auditum.

C A P. VII.

De Maria, quæ filium suum comedit assatum.

Mulier quædam, *Maria* nomine, genere & facultibus nobilis, quæ ad diem festum cum cæteris de

D

trans

trans Iordanis alveo confluxerat, cum famis ingra-
scente periculo, & hostis deprædatione omnino jam
fame deficeret, pessimis usa consultatoribus, parvu-
lum filium, qui erat sub uberibus, jugulat, & igni sup-
positum torret. Dimidium quidem consumit, dimi-
dium vero reservat. Prædonibus quidem, mox odore
carnium comperto, ingressis, partem offert; *Meus*, in-
quiens, *bic partus est. Nolite effici aut matre religiosiores,*
aut fæmina molliores. *Edite: nam & prior comedi.* Illico
universa regio tam nefarii sceleris nuncio repletur.
Nec multo post magnifica & formosissima civitas Hi-
erosolymorum capitur. Cujus quanta fuerit vastitas,
quanta in ea diversarum mortium strages, vix scripto
comprehenditur: ubi undecies centena millia fame
& ferro peremptorum computantur. Exceptis qui-
busque juvenibus electis, qui propter decorum cor-
poris, & proceritatem, ad triumphum reservantur, cæ-
terisque aliis, qui ad opera Ægypti, vel ad secunda
marmora, vel ad extrahenda metalla destinantur, vel
per Provincias vinciti in servitutem distrahuntur, quo-
rum fuit numerus usque ad nonaginta millia. Sed ne
quis de hac captorum vel occisorum ambigat multi-
tudine, noverit, tunc temporis ad diem festum Paschæ
Hierosolymis convenisse terdecies centena Iu-
dæorum, ad justam Dei retributionem hoc tempore
ultionis electo: ut qui in diebus Paschæ Dominum
Salvatorem morte turpissima damnarant, ipsi quoque
turpis.

turpissimis mortibus & cladibus inauditis, eisdem diebus damnarentur; & qui in ejusdem Domini damnatione dies festos duxerant solennes, nunc ipsos suis damnationibus agerent luctuosos. Qui etiam recte fame pereunt, ut, qui Domino, esurienti salutem eorum, fel in escam dabant, omnimoda suavitate escarum priuarentvr.

C A P. I I X.

De tempore subversionis Hierusalem.

Fit autem hæc Hierosolymæ subversio xz. annis à passione Domini dilata ultiōne, anno Imperii Vespasiani secundo: & interim potuissent Iudæi, si vellet, locum poenitentiæ invenisse, commoniti sæpe ab Apostolis, prædictam civitatis adesse eversionem. Et à Iacobo fratre Domini, edocti, dum viveret; per signa & prodigia cœlitus ostensa, ante tempus excidi commonebantur. Etenim stella præfulgens, gladio per omnia similis, imminere desuper civitati, & Cometes præterea exitialibus flammis per totum ardere visus est annum.

C A P. I X.

Novum portentum de vitula enixa agnum.

Vitula quoque, sacrificiis admota, in die festo aymorum, inter manus ministrorum enixa est agnum. Porta vero interioris ædis ærea, cum tanti ponderis, ut vix à xx. viris clauderetur, esset, vectibus & feris munita, nocte ultiro patefacta est. Visi etiam

D 2

currus,

currus, & armatorum cohortes, in aërem ferri, & alia multa, quæ non faciunt ad hujus operis compendium; maxime cum res Christianas prosequi debeamus.

C A P. X.

*Electio Simonis, filii Cleophae, in Episcopum
Hierosolymitanum.*

Igitur subversa Hierusalem non multo post martyrium Iacobi, convenientibus Apostolis in unum, & propinquis Domini secundum carnem, *Simon*, filius *Joseph*, communi consilio in Episcopum surrogatur.

C A P. XI.

Commendatio Titi.

Interim Vespasianus moritur, *Titus* filius ejus succedit in imperio, princeps militaris, pius, sapiens, bellicosus, qui in tantum facundus fuit, ut causas Latine ageret, poëmata & Tragoëdias Græce componeret.

B E D I A.

Tantum autem bellicosus fuit, ut, in expugnatione Hierosolymæ præcipue, inter optimos extiterit præliator. Tantum autem in imperio bonus ac clemens fuit, ut nullum omnino puniret; sed etiam cunctos adversum se conjurantes dimitteret, & in ea familiaritate, quam prius habuerat, retineret. Dicebat enim, indecorum esse aliquem contristatum recedere à facie Imperatoris; cuius inter omnia fuit illud celebre dictum, diem se perdidisse, quo nihil boni fecerat. Ita omnium virtutum genere mirabilis fuit, adeo ut amor

¶ deli-

& deliciæ generis humani diceretur. Hic non nocuit Christianis. Per hæc tempus *Linus* obiit, Romanus pontifex, transactis in sacerdotio XII. annis. *Anacletus* succedit. *Titus* regnavit II. annis, & totidem mensibus.

C A P. XII.

De morte Titi, de Domitiano persecutore, & de Lino, Cleto & Clemente.

Titus moritur post duos annos imperii sui & duos menses. Domitianus vero, frater ejus minor, statuitur imperator. Cujus quarto anno, apud Alexandriam obiit *Annianus*, post XXII. Episcopatus annos: *Abilius* succedit. *Cletus* vero, Romanus Pontifex & ipse XII. annis sedet, & transiens, *Clementi* Papatum relinquit. Ajunt autem, qui de cathedra Romanæ Ecclesiæ per-scrutati sunt, quod *Linus* & *Cletus* non sederunt ut Pontifices, sed ut Summi Pontificis Coadjutores, quibus beatus Petrus tradidit Ecclesiasticarum rerum dispositionem. Ipse vero tantum orationi & prædicatiōni vacabat. Vnde tanta authoritate donati, meruerunt in Catalogum Pontificum reponi.

C A P. XIII.

Persecutio Christianorum per Domitianum.

Interea *Domitianus*, portio *Neronis*, ejusque impietas successor, Christianos valde persequitur, quosdam trucidat, quosdam bonorum direptione punit; quosdam tradit in exilium, interq; eos *Flaviam Domicillam*, egregiam virginem Christi, cuius gesta habentur, in-

D 3

insu-

insulam Pontiam deportari jubet, & beatum Ioannem Evangelistam relegat exilio, ubi & Apocalypsin scripsit, missus prius in ferventis olei dolium, sed illæsus. Hic familiam David regis perire jubet, & propinquos Christi, secundum carnem: ut interficiat, ne quis superesset Judæorum ex semine regali. Quibus oblatis, & de regno Christi respondentibus; quia non est de hoc mundo; liberos abire jubet, & contemnit. Domitianus regnat xv. annis.

C A P. XIV.

De morte Domitiani & revocatione

Ioannis Evangelista.

Itaque Domitianus potitur imperio xv. annis. Postea ex Senatusconsulto omnes, qui jussu ejus exulabant, revocantur, cum quibus & beatus Ioannes rediit: Nerva vix annum regnat.

C A P. XV.

De Clemente Romano, Simone Hierosolymitanorum Episcopo, & specialiter de Evangelista & ejus Evangelio.

Nerva quoque anno plus minusve defuncto, Trajanus obtinet imperium, cuius primo principatus anno Abilius Alexandrinus, post XIII. Episcopatus annos, diem obiit, Cerdone succedente tertio in sacerdotium. Clemens tunc temporis post Petrum adhuc Romæ pontificatum tenebat. Sed & apud Antiochiam post Petrum Evodius fuerat, & secundus Ignatius. Hierosolymis, post Jacobum fratrem Domini, adhuc præterat

Simon,

Simon, Domini consobrinus. Irenæus. Interea adhuc superstes beatus *Iohannes Evangelista* præest ecclesiis Asiae, residens apud *Ephesum*, & permanet vivens usque ad tempora *Trajani*, ædificans ibi Ecclesias, quas *Paulus* primo ibi fundaverat. Hic *Papiam* & *Polycarpum* auditores & condiscipulos habet; qui etiam libros faciens & Epistolas, instituit eruditique plurimos. Quippe in ultimis vitæ temporibus scribit *Evangelium*, compulsus ab Asiae Episcopis, propter hæreticos, qui, eo exultante, irruperant in Ecclesias, cum variis ac perversis dogmatibus. Hac ergo occasione de nativitate Christi conscribit, pauca de temporalibus ejus gestis edisserens, tantum à cæteris Evangelistis prosequens omissa. Nam alii quidem tres, facta Domini prosequuntur, à carcere *Ioannis Baptistæ*. Hic vero maxime ea, quæ primo Dominus per prædications tempus gessit, ante *Ioannis* incarcerationem. Multa vero de Trinitatis & unitatis mysterio profundissime instillat, ut diximus, adversum hæreticos, quorum errores tunc pullulaverant.

C A P. XVI.

De Menandro Mago, hæretico.

Sub eodem namque tempore *Menander* quidam, *Simonis Magi* Samaritani discipulus, & ipse Samarites & Magus, blasphemico errore maculat *Antiochiam*, irridens immortalitatem animæ & resurrectionem mortuorum, semetipsum Salvatorem hominum esse assertens,

renis, nec aliter posse unumquemque angelos seculi vincere, nisi prius à se Magicæ artis susciperet disciplinam, & quod per baptisma à se datum quisque sic immortalis, & æternus effectus, in hac vita fieret perpetuus.

C A P. XVII.

De Ebionitis hæreticis.

Hujus quoque discipuli *Ebionitæ*, licet alterius sectæ, multos decipiunt, dicentes: Christum purum hominem esse, & communi nativitate ex viro & fœmina procreatum: cæremonias adhuc legis custodientes.

C A P. XIIIX.

De hæresi Cerinthi.

Sed & *Cerinus* hæreticus nova introducit dogma, scilicet: terrenum fore regnum Christi in Hierusalem, & interim homines vitiis & concupiscentiis esse subiiciendos, & nuppiarum festivitates affuturas: ad eos facile decipiendos, qui sunt dediti libidini.

C A P. XIX.

De hæresi Nicolitarum.

Surrexit præterea & alia hæresis, quæ appellatur *Nicolai*, illorum quæ à Nicolao, uno de septem Diaconibus, cum Stephano ordinatis, se jactavit.

C A P. XX.

Item de Nicolao hæretico.

Hic autem Nicolaus, pulchram habens uxorem,

cum

cum post Ascensionem Domini ab Apostolis increpatetur de Zelotypia, injuria laceritus, produxit illam in medium, & si quis eam habere vellet, libere permisit. Ex qua occasione isti consequens esse putaverunt, ut secundum hoc factum vel dictum Nicolai, carne sua, in quo delectaretur, abuteretur unusquisque. Vnde & nunc qui sectam propriæ libidinis assumunt, sub illius nomine promiscuos & illicitos appetunt concubitus. *Clemens.*

C A P. XXI.

De eodem.

Mihī autem compertum est, Nicolaum nullam prorsus cognovisse uxorem, præter eam, quā in matrimonio sibi conjunxerat: cuius certe liberi, fæminæ quidem, usque ad ultimam senectutem caste perdurant: Filius autem ipse sanctitatem incorrupti corporis custodivit. Vnde constat, quod ex contemtu libidinis vel vitii magis produixerit uxorem, & liberam abire permiserit, quam aliis quibuscumque abutendum exposuerit. Sed, ut ad incepturn revertamur; sciendum, prædictas hæreses cito consopitas suisse, maxime per scripta & prædicationem beati Ioannis; qui, post longa magnæ continentiae & sobrietatis tempora, post insignem Evangelij prædicationem, post incredibiles signorum virtutes, tandem effodi sibi jubet sepulchrum. Qui etiam martyr & doctor apud Ephesum dormit, completa bona & venerabili senectute nonaginta annorum & octo; in cuius laudabili fine & nos tertium volumen finiamus.

E

D.HAY-